

ЎЗБЕКИСТОН RESPUBLIKASI  
ADLIYA VAZIRLIGI



МИНИСТЕРСТВО ЮСТИЦИИ  
РЕСПУБЛИКИ УЗБЕКИСТАН

100047, Тошкент шаҳри, Сайилгоҳ кўчаси, 5-уй  
Тел.: (998 71) 233 39 38 Факс: (998 71) 233 48 44  
www.minjust.uz, эл. почта: info@minjust.gov.uz

100047, город Ташкент, улица Сайилгоҳ, 5  
Тел.: (998 71) 233 39 38 Факс: (998 71) 233 48 44  
www.minjust.uz, эл. почта: info@minjust.gov.uz

2016 йил 21 апрель  
8/4-309/4-сон

“Deutsche Konstruktion Group”  
Aksiyadorlik jamiyati  
(1260)

“Deutsche Konstruktion Group” mas’uliyati cheklangan jamiyati shaklidagi chet el korxonasi ning tashkiliy-huqukiy shakli ўzgarangligi sababli, korxonaning nomi “DEUTSCHE KONSTRUKTION GROUP” Aksiyadorlik jamiyatiga ўzgartirilib, ustavi yangi taxrida 2016 йил 21 aprelda davlat rўyxatidan ўtkazildi.

Юридик шахсларни давлат рўйхатидан  
ўтказиш бошқармаси бошлиғи ўринбосари



М. Абдижалиев

ЎЗБЕКИСТОН RESPUBLIKASI  
ADLIYA VAZIRLIGI

2016 йил “*Наху*” куни №     реестр  
рақами билан



«P'YI XATGA OLINGAN»

«DEUTSCHE KONSTRUKTION GROUP»  
MAS'ULIYATI CHEKLANGAN JAMIYATI  
SHAKLIDAGI SHET EL KORXONASI  
YGONA TA'BSISCHISI –  
«FALK-PORSCHЕ-TECHNIK GmbH»

Компаниясининг

(Германия Федератив Республикаси)

2016 йил «29» март кундаги қарорига асосан

«TASDIQLANGAN»

  
ЗУХРИТДИНОВ М.Э.

«DEUTSCHE KONSTRUKTION GROUP»  
AKSIYADORLIK JAMIYATINING  
USTAVI  
(янги тахрирда)

ТОШКЕНТ – 2016й.

## 1. УМУМИЙ ҚОИДАЛАР

1.1. «DEUTSCHE KONSTRUKTION GROUP» Aksiyadorlik jamiyati (bundan buyen matn buyicha «Жамият» деб аталади) «DEUTSCHE KONSTRUKTION GROUP» mas'uliyati cheklangan jamiyati shaklidagi chet el korxonasi yagona taъsisчисининг 2016 йил 29 март кунндаги қарорига асосан масъулияти чекланган жамияти шаклидан акциядорлик жамияти шаклига ўзгартириш йўли билан қайта ташкил қилинган бўлиб, Ўзбекистон Республикасининг амалдаги қонун ҳужжатларига мувофиқ мустақил юридик шахс ҳисобланади.

Жамият аввал Ўзбекистон Республикаси Адлия Вазирлиги томонидан 2012 йил 10 феврал кунини №1260-сон реестр рақами билан давлат рўйхатидан ўтказилган «DEUTSCHE KONSTRUKTION GROUP» mas'uliyati cheklangan jamiyati shaklidagi chet el korxonasининг барча ҳуқуқ ва мажбуриятлари бўйича ҳуқуқий вориси ҳисобланади.

1.2. Жамиятнинг тўлиқ номи:

- ўзбек тилида: «DEUTSCHE KONSTRUKTION GROUP» Aksiyadorlik jamiyati;
- рус тилида: Акционерное общество «DEUTSCHE KONSTRUKTION GROUP»;
- немис тилида: Aktiengesellschaft «DEUTSCHE KONSTRUKTION GROUP»;

Жамиятнинг қисқа номи:

- ўзбек тилида: «DEUTSCHE KONSTRUKTION GROUP» AJ;
- рус тилида: АО «DEUTSCHE KONSTRUKTION GROUP»;
- немис тилида: AG «DEUTSCHE KONSTRUKTION GROUP».

1.3. Жамиятнинг жойлашган ери (почта манзили): Ўзбекистон Республикаси, индекс 100058, Тошкент шаҳри, Мирзо Улуғбек тумани, Боғишамол кўчаси, 276-уй.

1.4. Жамиятнинг электрон почта манзили: [info@dk-group.uz](mailto:info@dk-group.uz), расмий веб-саҳифаси: [www.dk-group.uz](http://www.dk-group.uz)

## 2. ЖАМИЯТ ФАОЛИЯТИНИНГ АСОСИЙ ЙўНАЛИШЛАРИ, МАҚСАДИ ВА МУДДАТИ

2.1. Жамиятнинг ташкил этишдан мақсад фойда олиш учун тадбиркорлик фаолиятини амалга ошириш.

2.2. Жамият қуйидаги фаолият турларини амалга оширади:

2.2.1. Кабель-ўтказгич маҳсулотини, резина-техника буюмларини, компьютер ва бошқа ҳисоблаш техника, маиший техника, техник аҳамиятига эга бўлган маҳсулотни ва истеъмол молларини ишлаб чиқариш;

2.2.2. Физика, кимё, ахборот технологиялари, кабель маҳсулотларини ишлаб-чиқариш, ишлаб-чиқаришни автоматлаштириш ва механизациялаш соҳаларида илмий-тадқиқот ва лойиҳалаштириш-конструкторлик ишларини бажариш;

2.2.3. Электротехника ва машинасозлик маҳсулотларини ишлаб-чиқариш, металлга ишлов бериш;

2.2.4. Озиқ-овқат маҳсулотларини ишлаб-чиқариш ва қишлоқ хўжалиги маҳсулотларини қайта ишлаб-чиқиш;

2.2.5. Ташқи иқтисодий фаолиятни амалга ошириш;

2.2.6. Улгуржи ва чакана савдони амалга ошириш, фирма дўконларни очиш;

2.2.7. Юк ташиш хизматларини кўрсатиш;

2.2.8. Божхона омборхоналарни ташкил этиш;

2.2.9. Маслаҳат ва ахборот хизматларни кўрсатиш;

2.2.10. Меҳмонхона хизматларни кўрсатиш;

2.2.11. Туризм соҳасида хизмат кўрсатиш;

2.2.12. Умумий овқатланиш хизматларни кўрсатиш;

- 2.2.13. Курилиш-монтаж ишларни бажариш;
- 2.2.14. Курилиш материалларини ишлаб-чиқариш;
- 2.2.15. Соғлиқни сақлаш, шу жумладан даволаш, даволаш-профилактика ва даволаш-спорт соҳаларида фаолиятни амалга ошириш;
- 2.2.16. Полиграфия ишларни бажариш;
- 2.2.17. Ўзбекистон Республикасининг амалдаги қонун ҳужжатлари билан таъқиқланмаган ҳар қандай бошқа фаолиятни белгиланган тартибда амалга ошириш.

2.3. Жамият қонунда рўйхати белгилаб қўйилган айрим фаолият турлари билан фақат махсус рухсатнома (лицензия) асосидагина шуғулланиши мумкин.

2.4. Жамият фаолият муддати чекланмаган.

### **3. ЖАМИЯТ УСТАВ ФОНДИ**

3.1. Жамиятнинг Устав фонди 1.000.000 дона эгасининг номи ёзилган оддий акцияларга бўлинган 5.000.000.000 (беш миллиард) сўмни (1.999.720,04 (бир миллион тўққиз юз тўқсон тўққиз минг етти юз йигирма) АҚШ доллари 04 цент) ташкил этади.

Жамият бир дона акциясининг номинал қиймати 5.000 сўм.

3.2. Жамият акцияларининг турлари.

Жамият фақат оддий акцияларни чиқаради.

Оддий акциялар овоз берувчи акциялар бўлиб, улар ўз эгасига дивидендлар олиш, жамиятни бошқаришда иштирок этиш ҳуқуқини беради.

Жамият оддий акцияларини жойлаштириш ва улар бўйича дивидендлар тўлаш тартиби ушбу Устав билан белгиланади.

3.3. Эълон қилинган акцияларнинг сони ва номинал қиймати.

Жамият жойлаштирилган акцияларга қўшимча равишда чиқаришга ҳақли бўлган бир дона акциянинг номинал қиймати 5.000 сўм, умумий номинал қиймати 25.000.000.000 сўм эълон қилинган (қўшимча) акцияларнинг миқдори 5.000.000 донани ташкил этади.

Жамиятнинг эълон қилинган акциялари ҳақида ушбу Уставда назарда тутилган қоидалар билан боғлиқ Уставга ўзгартишлар ва қўшимчалар киритиш тўғрисидаги қарор Жамият Кузатув Кенгаши томонидан қабул қилинади.

### **4. ЖАМИЯТ УСТАВ ФОНДИНИ КўПАЙТИРИШ ВА КАМАЙТИРИШ ТАРТИБИ**

4.1. Жамиятнинг устав фонди фақатгина қўшимча акцияларни жойлаштириш йўли билан кўпайтирилиши мумкин.

4.2. Қўшимча акцияларни жойлаштириш йўли билан жамият устав фондиди кўпайтириш ва жамият уставига тегишли ўзгартишлар киритиш тўғрисидаги қарор Жамиятнинг Кузатув кенгаши томонидан қабул қилинади.

4.3. Жамият томонидан қўшимча акциялар фақат эълон қилинган акцияларнинг ушбу Уставда белгиланган миқдори доирасидагина жойлаштирилиши мумкин.

4.4. Жамиятнинг устав фондиди қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча оддий акцияларнинг сони, уларни жойлаштириш муддатлари ва шартлари белгиланган бўлиши керак.

4.5. Жамиятнинг устав фондини қўшимча акцияларни жойлаштириш йўли билан кўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда жамият уставида кўрсатилган эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига қисқартирилиши керак. Жамиятнинг тегишли бошқарув органи томонидан қабул қилинган қўшимча акцияларни чиқариш тўғрисидаги ёки акциянинг номинал қийматини ошириш ҳақидаги қарор жамиятнинг устав фондини кўпайтириш тўғрисидаги қарордир.

4.6. Жамиятнинг устав фондини қўшимча акцияларни жойлаштириш йўли билан кўпайтириш жалб қилинган инвестициялар, жамиятнинг ўз капитали ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

4.7. Жамиятнинг устав фондини унинг ўз капитали ҳисобидан қўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айти ўша турдаги акциялар унга тегишли акциялар сонига мутаносиб равишда тақсимланади. Жамиятнинг устав фонди кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, жамиятнинг устав фондини кўпайтиришга йўл қўйилмайди.

4.8. Жамиятнинг устав фонди акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

4.9. Жамиятнинг устав фондини камайтириш тўғрисидаги ва ушбу Уставга тегишли ўзгартишлар киритиш ҳақидаги қарорлар акциядорларнинг умумий йиғилиши томонидан қабул қилинади.

Жамиятнинг устав фондини камайтириш тўғрисида қарор қабул қилинаётганда акциядорларнинг умумий йиғилиши устав фондини камайтириш сабабларини кўрсатади ва уни камайтириш тартибини белгилайди.

4.10. Жамият устав фондини камайтириш тўғрисида қарор қабул қилинган санадан эътиборан ўттиз кундан кечиктирмай ўз кредиторларини бу ҳақда ёзма шаклда хабардор қилади. Кредиторлар Жамиятнинг устав фондини камайтириш тўғрисида ўзларига билдириш юборилган санадан эътиборан ўттиз кундан кечиктирмай Жамиятдан ўз мажбуриятларини муддатидан олдин бажаришини ва устав фонди камайтирилиши билан боғлиқ зарарларнинг ўрнини қоплашини талаб қилишга ҳақли.

4.11. Жамият ўзи жойлаштирган акцияларни акциядорлар умумий йиғилишининг жойлаштирилган акцияларнинг бир қисмини олиш ва ушбу акцияларнинг умумий сонини камайтириш йўли билан жамият устав фондини камайтириш тўғрисидаги қарорига кўра, шунингдек уларни кейинчалик белгиланган тартибда қайта сотиш мақсадида жамият кузатув кенгашининг қарорига кўра олишга ҳақли.

4.11.1. Акцияларни олиш тўғрисидаги қарорда қуйидагилар белгилаб қўйилиши керак:

- олинadиган акцияларнинг турлари;
- жамият оладиган ҳар бир турдаги акцияларнинг сони;
- акцияларни олиш нархи. Жамият томонидан оддий акцияларни олиш нархи уларнинг бозор нарзига мос равишда аниқланади;
- акциялар ҳақини тўлаш шакли ва муддати;
- шунингдек акциялар қанча муддатда олиниши белгилаб қўйилиши керак.

- акцияларни сотиб олиниш муддати. Акцияларни сотиб олиш муддати, қайсики 10 кундан кам бўлмаслиги лозим, уларни олиш тўғрисидаги қарорда белгиланади.

4.11.2. Акциядорлар умумий йиғилишининг акцияларнинг умумий сонини камайтириш мақсадида уларни олиш йўли билан Жамиятнинг устав фондиди камайтириш тўғрисида қабул қилинган қарори асосида Жамият томонидан олинган акциялар қонун ҳужжатларида белгиланган тартибда бекор қилинади.

4.11.3. Кейинчалик қайта сотиш мақсадида Жамият тасарруфига ўтган акциялар улар Жамият тасарруфига ўтган пайтдан эътиборан бир йилдан кечиктирмай реализация қилиниши керак, ақс ҳолда акциядорларнинг умумий йиғилиши Жамиятнинг устав фондиди камайтириш тўғрисида қарор қабул қилиниши лозим. Кўрсатилган муддатда реализация қилинмаган акциялар бекор қилиниши керак.

4.12. Жамият тасарруфига ўтган акциялар овоз бериш ҳуқуқини бермайди, овозларни санаб чиқишда ҳисобга олинмайди, улар бўйича дивидендлар ҳисоблаб чиқарилмайди.

## **5. ЖАМИЯТ ТОМОНИДАН АКЦИЯЛАРНИ ЖОЙЛАШТИРИШ ТАРТИБИ ВА ШАРТЛАРИ**

5.1. Жамият ўзи чиқараётган акцияларга уларни хусусий жойлаштириш йўли билан ёпик обуна ўтказишга ҳақли

5.2. Жамият томонидан акцияларнинг дастлабки чиқарилишини жойлаштириш муддати Жамият давлат рўйхатидан ўтказилган пайтдан эътиборан бир йилдан ошмаслиги лозим. Жамият томонидан Жамиятнинг қўшимча акцияларини ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилган пайтдан эътиборан бир йилдан ошмаслиги керак. Жамиятнинг жойлаштирилмаган акциялари юқорида кўрсатилган муддатлар ўтганидан кейин қонун ҳужжатларида белгиланган тартибда бекор қилиниши керак.

5.3. Акцияларнинг чиқарилиши мазкур чиқарилишни тўхтатиб туришга олиб келган қоғозларликлар эмитент томонидан бартараф этилмаган, шунингдек чиқариш тўғрисидаги қарорда белгиланган муддатда мазкур чиқарилишдаги акцияларнинг олтимиш фоиздан кам қисми жойлаштирилган тақдирда амалга олмаган деб эътироф этилади.

Акциялар қимматли қоғозларнинг биржа бозорида ва уюшган биржадан ташқари бозорида жойлаштирилган тақдирда уларнинг чиқарилиши, агар жойлаштириш ҳажми мазкур чиқарилишдаги акциялар умумий миқдорининг камида ўттиз фоизини ташкил этса, амалга ошган деб эътироф этилади.

5.4. Жамиятни таъсис этишда унинг акциялари ҳақиқи тўлаш Жамият таъсисчилари томонидан акцияларнинг номинал қиймати бўйича амалга оширилади.

5.5. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи Жамият кузатув кенгаши томонидан, қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.

5.6. Жамиятнинг қўшимча акцияларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

5.7. Жамиятнинг устав фонди кўпайтириладиганда Жамиятнинг қўшимча акцияларига унинг ўз капитали ҳисобидан, шунингдек ҳақини қўшимча акциялар билан тўлаш тўғрисида

қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш Жамият акцияларининг номинал қиймати бўйича амалга оширилади.

5.8. Жамият томонидан ҳақи пул маблағлари билан тўланадиган акцияларни жойлаштиришда овоз берувчи акцияларнинг эгалари бўлган акциядорлар уларни имтиёзли олиш ҳуқуқига эга. Акциядор, шу жумладан акциядорларнинг умумий йиғилишида қарши овоз берган ёхуд унда иштирок этмаган акциядор акцияларни ўзига тегишли акциялар миқдорига мутаносиб миқдорда имтиёзли олиш ҳуқуқига эга.

5.9. Имтиёзли ҳуқуқни қўлламаслик тўғрисидаги қарор, шунингдек бундай қарорнинг амал қилиш муддати ҳақидаги қарор акциядорларнинг умумий йиғилишида иштирок этаётган овоз берувчи акциялар эгаларининг кўпчилик овози билан қабул қилиниши мумкин. Бундай қарорнинг амал қилиш муддати ушбу қарор қабул қилинган пайтдан эътиборан бир йилдан ортиқ бўлиши мумкин эмас. Имтиёзли ҳуқуққа эга бўлган шахсларнинг рўйхати қимматли қоғозларни чиқариш тўғрисидаги қарор қабул қилинган санадаги Жамият акциядорлари реестрининг маълумотлари асосида тузилади.

## 6. ЖАМИЯТНИНГ БОШҚАРУВ ТИЗИМИ

6.1. Куйидагилар Жамиятнинг бошқарув органлари ҳисобланадилар:

6.1.1. Акциядорларнинг умумий йиғилиши;

6.1.2. Кузатув кенгаши;

6.1.3. Жамият Бошқаруви.

## 7. ЖАМИЯТ АКЦИЯДОРЛАРИНИНГ УМУМИЙ ЙИҒИЛИШИ

7.1. Акциядорларнинг умумий йиғилиши Жамиятнинг юқори бошқарув органидир.

Барча оддий акциялар битта акциядорга тегишли бўлганда акциядорларнинг умумий йиғилиши ўтказилмайди. Ушбу Устав билан акциядорларнинг умумий йиғилиши ваколатига киритилган масалалар бўйича қарорлар бундай акциядор томонидан якка тартибда қабул қилинади ҳамда ёзма шаклда расмийлаштирилади. Бунда ушбу Уставнинг акциядорлар умумий йиғилишига тайёргарлик кўриш, уни чақириш ва ўтказиш тартибини ҳамда муддатларини белгиловчи қоидалари қўлланилмайди, акциядорларнинг йиллик умумий йиғилишини ўтказиш муддатларига тааллуқли қоидалар бундан мустасно.

7.2. Жамият ҳар йили акциядорларнинг умумий йиғилишини (акциядорларнинг ҳисобот умумий йиғилишини) ўтказиши шарт.

Акциядорларнинг йиллик умумий йиғилиши молия йили тугаганидан кейин олти ойдан **кеч**иктирмай ўтказилади.

Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тўғрисидаги, жамиятнинг бошқарув аъзолари, ишончли бошқарувчи билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек ушбу Уставнинг 7.4.10-бандига мувофиқ жамиятнинг йиллик ҳисоботи, жамият бошқаруви ва кузатув кенгашининг жамиятни ривожлантириш стратегиясига эришиш бўйича кўриладиган чора-тадбирлар тўғрисидаги ҳисоботлари ва бошқа ҳужжатлари кўриб чиқилади.

Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

7.3. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Жамиятнинг кузатув кенгаши томонидан белгиланади.

7.4. Акциядорлар умумий йиғилишининг ваколат доирасига куйидагилар киреди:

7.4.1. ушбу Уставга ўзгартиш ва қўшимчалар киритиш ёки уни янги тахририни тасдиқлаш;

7.4.2. Жамиятни қайта ташкил этиш;

7.4.3 Жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;

7.4.4. Жамият кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

7.4.5. эълон қилинган акцияларнинг энг кўп миқдорини белгилаш;

7.4.6. Жамиятнинг устав фондини камайтириш;

7.4.7. ўз акцияларини олиш;

7.4.8. Жамиятнинг ташкилий тузилмасини тасдиқлаш;

7.4.9. Жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;

7.4.10. Жамиятнинг йиллик ҳисоботини ва йиллик бизнес-режасини, шунингдек Жамият фаолиятининг асосий йўналишлари ва мақсадидан келиб чиққан ҳолда Жамиятни ўрта муддатга ва узок муддатга ривожлантиришнинг аниқ муддатлари белгиланган стратегиясини тасдиқлаш;

7.4.11. Жамиятнинг фойдаси ва зарарларини тақсимлаш;

7.4.12. Жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан Жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;

7.4.13. имтиёзли ҳуқуқни қўлламаслик тўғрисида ушбу Уставнинг 5.8-бандида назарда тутилган қарорни қабул қилиш;

7.4.14. акциядорлар умумий йиғилишининг регламентини тасдиқлаш;

7.4.15. акцияларни майдалаш ва йириклаштириш;

7.4.16. битим предмети бўлган мол-мулкнинг баланс қиймати ёки сотиб олиниш қиймати бундай битимларни тузиш тўғрисидаги қарор қабул қилинаётган санада Жамият соф активлари миқдорининг эллик фоизидан ортиғини ташкил этадиган ҳолларда Жамият томонидан битимлар тузиш тўғрисида қарор қабул қилиш;

7.4.17. агар Жамият Кузатув кенгашининг икки ва ундан ортиқ аъзоси аффилиланган шахс бўлса, аффилиланган шахс билан тузилаётган битимни маъқуллаш ҳақидаги қарор қабул қилиш;

7.4.18. қонун ҳужжатларига мувофиқ бошқа масалаларни ҳал этиш.

Акциядорлар умумий йиғилишининг ваколат доирасига киритилган масалалар Жамиятнинг бошқаруви ҳал қилиши учун берилиши мумкиң эмас.

7.5. Акциядорларнинг умумий йиғилишини ўтказишга тайёргарлик кўриладиганда Жамиятнинг кузатув кенгаши куйидагиларни белгилайди:

- умумий йиғилиш ўтказиладиган сана, вақт ва жойни;

- умумий йиғилишнинг кун тартибини;

- умумий йиғилиш ўтказиш учун жамият акциядорларининг реестри шакллантириладиган санани;

- умумий йиғилиш ўтказилиши ҳақида акциядорларга хабар қилиш тартибини;

- умумий йиғилишни ўтказишга тайёргарлик кўриладиганда акциядорларга тақдим этиладиган ахборот (материаллар) рўйхатини;

- овоз бериш бюллетенининг шакли ва матнини.

Аниқ масала қўйилишини акс эттирмайдиган таърифларнинг (шу жумладан, «турли масалалар», «бошқа масалалар», «ўзга масалалар» ва шу сингари таърифларнинг) акциядорларнинг умумий йиғилиши кун тартибига киритилишига йўл қўйилмайди.



7.6. Акциядорларнинг умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан ўн кундан кам ва ўттиз кундан кўп этиб белгиланиши мумкин эмас.

7.7. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида етти кундан кечиктирмай, лекин узоғи билан ўттиз кун олдин жамиятнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

Акциядорларнинг умумий йиғилишини ўтказиш тўғрисидаги хабарда қуйидагилар кўрсатилиши керак:

- жамиятнинг номи, жойлашган ери (почта манзили) ва электрон почта манзили;
- умумий йиғилиш ўтказиладиган сана, вақт ва жой;
- жамият акциядорларининг реестри шакллантириладиган сана;
- умумий йиғилиш кун тартибига киритилган масалалар;
- умумий йиғилишни ўтказишга тайёргарлик кўриляётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби.

7.8. Акциядорларнинг умумий йиғилишини ўтказишга тайёргарлик кўриляётганда акциядорларга тақдим этилиши лозим бўлган ахборотга (материалларга) қуйидагилар қиради:

- жамиятнинг йиллик ҳисоботи;
- жамиятнинг йиллик молия-хўжалик фаолиятини текшириш натижалари юзасидан жамият тафтиш комиссиясининг (тафтишчисининг) ва аудиторлик ташкилотининг хулосаси;
- жамият кузатув кенгашининг бошқарув раиси билан тузилган шартноманинг амал қилиш муддатини узайтириш, шартномани қайта тузиш ёки бекор қилиш мумкинлиги тўғрисидаги хулосаси;
- жамиятнинг кузатув кенгаши ҳамда тафтиш комиссияси аъзолигига (тафтишчилигига) номзодлар тўғрисидаги маълумотлар;
- жамиятнинг уставига киритиладиган ўзгартиш ва қўшимчалар лойиҳаси ёки жамиятнинг янги таҳрирдаги устав лойиҳаси.

7.9. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш кун олдин шакллантирилган жамият акциядорларининг реестрида қайд этилган акциядорлар эга бўлади.

7.10. Акциядорларнинг умумий йиғилишида овозга қўйилган масалалар бўйича жамиятнинг оддий акциялари эгалари бўлган акциядорлар овоз бериш ҳуқуқига эга бўлади.

7.11. Акциядорларнинг умумий йиғилишида овозга қўйилган, ҳал қилиш чоғида жамиятнинг оддий акциялари эгалари бўлган акциядорлар овоз бериш ҳуқуқига эга бўладиган масала юзасидан овозларни санаб чиқиш овоз берувчи акцияларнинг барчаси бўйича биргаликда амалга оширилади.

7.12. Акциядорларнинг умумий йиғилишини олиб бориш тартиби бўйича қарор ўзида йиғилиш раиси, йиғилиш котиби ва санок комиссиясини сайлашни олади ва у овозларнинг тўртдан уч қисмидан иборат кўпчилиги билан йиғилиш қворуми аниқлангандан сўнг қабул қилинади.

7.13. Овозга қўйилган масала бўйича акциядорлар умумий йиғилишининг қарори, Жамиятнинг овоз берувчи акциялари эгалари бўлган, йиғилишда иштирок этаётган акциядорларнинг тўртдан уч қисмидан иборат кўпчилик овози билан қабул қилинади.

7.14. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

7.15. Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари бу қарорлар қабул қилинган санадан эътиборан ўттиз кундан кечиктирмай акциядорлар эътиборига етказилади.

7.16. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

Акциядорларнинг умумий йиғилишини ўтказиш учун кворум бўлмаса, акциядорларнинг такрорий умумий йиғилишини ўтказиш санаси эълон қилинадى. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди.

Агар акциядорларнинг ўтказилмай қолган йиғилиши ўрнига чакирилган такрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

Акциядорларнинг такрорий умумий йиғилишини ўтказиш тўғрисида хабар қилиш ушбу Уставнинг 7.7-бандида назарда тутилган муддатларда ва шаклда амалга оширилади.

Кворум бўлмаганлиги сабабли акциядорларнинг умумий йиғилишини ўтказиш санаси йиғирма кундан кам муддатга кўчирилган тақдирда, умумий йиғилишда иштирок этиш ҳуқуқига эга бўлган акциядорлар ўтказилмай қолган умумий йиғилишда иштирок этиш ҳуқуқига эга бўлган акциядорларнинг реестрига мувофиқ аниқланади.

## 8. ЖАМИЯТНИНГ КУЗАТУВ КЕНГАШИ

8.1. Жамиятнинг кузатув кенгаши жамият фаолиятига умумий раҳбарликни амалга оширади, акциядорлар умумий йиғилишининг ваколат доирасига киритилган масалаларни ҳал этиш бундан мустасно.

8.2. Жамият кузатув кенгашининг ваколат доирасига қуйидагилар киради:

8.2.1. Жамиятни ривожлантириш стратегиясига эришиш бўйича кўрилаётган чоратadbирлар тўғрисида Жамият бошқарувининг ҳисоботини мунтазам равишда эшитиб борган ҳолда Жамият фаолиятининг устувор йўналишларини белгилаш;

8.2.2. Жамият акциядорларнинг йиллик ва навбатдан ташқари умумий йиғилишларини чакириш;

8.2.3. акциядорлар умумий йиғилишининг кун тартибини тайёрлаш;

8.2.4. акциядорларнинг умумий йиғилиши ўтказиладиган сана, вақт ва жойни белгилаш;

8.2.5. акциядорларнинг умумий йиғилиши ўтказилиши ҳақида хабар қилиш учун Жамият акциядорларининг реестрини шакллантириш санасини белгилаш;

8.2.6. акциядорларнинг умумий йиғилиши ҳал қилиши учун масалаларни киритиш;

8.2.7. мол-мулкнинг бозор қийматини белгилашни ташкил этиш;

8.2.8. Жамиятнинг бошқарув органи ташкил этиш, унинг раиси ва аъзоларини сайлаш (тайинлаш), уларнинг ваколатларини муддатидан илгари тугатиш;

8.2.9. Жамиятнинг йиллик бизнес-режасини тасдиқлаш;

8.2.10. ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

8.2.11. Жамият бошқаруви фаолиятига дахлдор ҳар қандай ҳужжатлардан эркин фойдаланиш ва Жамият кузатув кенгаши зиммасига юклатилган вазифаларни бажариш учун бу ҳужжатларни бошқарувдан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

- 8.2.12. аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- 8.2.13. жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;
- 8.2.14. дивиденд миқдори, уни тўлаш шакли ва тартиби юзасидан тавсиялар бериш;
- 8.2.15. Жамиятнинг захира фондидан ва бошқа фондларидан фойдаланиш;
- 8.2.16. Жамиятнинг филиалларини ташкил этиш ва ваколатхоналарини очиш;
- 8.2.17. Жамиятнинг шўъба ва тобе хўжалик жамиятларини ташкил этиш;
- 8.2.18. 50.000 (эллик минг) Евродан ортиқ эквивалент суммага эга бўлган шартнома (битим), шунингдек суммасидан қатъий назар Жамиятга тегишли кўчмас мулк ва автотранспорт воситаларини сотиш, кафиллик ва гаров шартномалар тузишни маъқуллаш;
- 8.2.19. аффилиланган шахс билан тузилаётган битимни маъқуллаш ҳақидаги қарор қабул қилиш;
- 8.2.20. Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- 8.2.21. Шакли ва суммасидан қатъий назар Жамият томонидан ҳомийлик кўрсатишни маъқуллаш;
- 8.2.21. Жамиятнинг устав фондиди кўпайтириш масалаларини, шунингдек Жамият уставига Жамиятнинг устав фондиди кўпайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;
- 8.2.22. акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- 8.2.23. Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- 8.2.24. қимматли қоғозларнинг ҳосилаларини чиқариш тўғрисида қарор қабул қилиш;
- 8.2.25. Жамиятнинг корпоратив облигацияларини қайтариб сотиб олиш тўғрисида қарор қабул қилиш;
- 8.2.26. Бошқарув аъзоларига тўланадиган ҳақ ва компенсацияларнинг миқдорларини белгилаш;
- 8.2.27. ушбу Уставга ва қонун ҳужжатларига мувофиқ Жамият кузатув кенгашининг ваколат доирасига кирувчи бошқа масалаларни ҳал этиш.

Жамият кузатув кенгашининг ваколат доирасига киритилган масалалар ҳал қилиш учун Жамиятнинг бошқарувига ўтказилиши мумкин эмас.

8.3. Жамият кузатув кенгашининг аъзолари акциядорларнинг умумий йиғилиши томонидан бир йил муддатга сайланади.

Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.

8.4. Жамият бошқаруви аъзолари ва Бошқарув раиси Жамиятнинг кузатув кенгашига сайланиши мумкин эмас.

Айни шу Жамиятда меҳнат шартномаси (контракт) бўйича ишлаётган шахслар Жамиятнинг кузатув кенгаши аъзоси бўлиши мумкин эмас.

8.5. Жамият кузатув кенгашига сайланаётган шахслар олий маълумотга, иқтисодиёт, бошқарув ёки ишлаб чиқариш соҳаларида камида икки йиллик иш тажрибасига эга бўлишлари лозим.

8.6. Жамият кузатув кенгаши сон таркиби 3 (уч) кишидан ташкил топади.

8.7. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

Кумулятив овоз беришда ҳар бир акциядорга тегишли овозлар сони Жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тарика олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

Энг кўп овоз тўплаган номзодлар Жамият кузатув кенгашининг таркибига сайланган деб ҳисобланади.

8.8. Жамият кузатув кенгашининг раиси, агар Жамият уставида ўзгача қоида назарда тутилмаган бўлса, кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан кузатув кенгаши аъзолари томонидан сайланади.

Жамиятнинг кузатув кенгаши, ўз раисини кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

8.9. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, агар жамият уставида ўзгача қоида назарда тутилмаган бўлса, акциядорларнинг умумий йиғилишида раислик қилади.

Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

8.10. Жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, Жамият кузатув кенгаши, тафтиш комиссияси (тафтишчисининг), бошқаруви аъзосининг, шунингдек Жамият уставида белгиланган бошқа шахсларнинг талабига кўра чақирилади.

8.11. Жамият кузатув кенгашининг мажлисини чақириш ва ўтказиш тартиби.

Жамият кузатув кенгашининг раиси Кузатув кенгаши мажлиси ўтказиладиган санани белгилайди ва бу ҳақда Кузатув кенгашининг бошқа аъзоларини ҳамда ушбу Уставнинг 8.10-бандига кўра Кузатув кенгаши мажлисини чақириш ҳуқуқига эга бўлган бошқа шахсларни хабардор қилади.

Хабар шакли Кузатув кенгаши раиси томонидан мустақил белгиланади.

8.12. Жамият кузатув кенгашининг мажлисини ўтказиш учун кворумга эга ҳисобланади, агар унда Жамият кузатув кенгашининг камида 3 (учта) аъзоси иштирок этаётган бўлса.

8.13. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади.

Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йўл қўйилмайди.

8.14. Жамият кузатув кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади.

Жамият устав фондини кўпайтириш ва ушбу Уставга тегишли ўзгартиришлар киритиш тўғрисидаги қарор бир овоздан қабул қилинади.

Жамият кузатув кенгаши аъзоларининг овозлари тенг бўлган тақдирда кузатув кенгаши томонидан қарор қабул қилишда жамият кузатув кенгаши раиси ҳал қилувчи овоз ҳуқуқига эга.

8.15. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлиснинг кун тартиби;

- овоз беришга қўйилган масалалар, улар юзасидан ўтказилган овоз бериш якунлари;
- қабул қилинган қарорлар.

Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

8.16. Жамият кузатув кенгашининг қарорлари сиртдан овоз бериш йўли билан (сўров йўли билан) кузатув кенгашининг барча аъзолари томонидан бир овоздан қабул қилиниши мумкин.

8.17. Жамият кузатув кенгаши мажлисининг баённомаси имзоланган куни Жамият бошқарувига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот Жамият бошқарувига кузатув кенгашининг мажлиси ўтказиладиган куни топширилади.

## 9. БОШҚАРУВ

9.1. Жамиятнинг кундалик фаолиятига раҳбарлик қилиш Бошқарув томонидан амалга оширилади. Жамият Бошқаруви ўз фаолиятини «Ижроия органи ҳақида»ги Низом асосида амалга оширади. Жамият Бошқаруви 3 (уч) аъзодан иборат бўлади.

Жамият Бошқарув Раисини ёки аъзоларини тайинлаш, қоида тариқасида, чет эллик менежерлар иштирок этиши мумкин бўлган танлов бўйича саралаш асосида амалга оширилиши мумкин.

9.2. Акциядорлар умумий йиғилишининг қарорига кўра Жамият ижроия органининг ваколатлари шартнома бўйича тижорат ташкилотига (ишончли бошқарувчига) берилиши мумкин. Тузиладиган шартноманинг шартлари Жамият кузатув кенгаши томонидан тасдиқланади.

9.3. Жамият ижроия органларини ташкил этиш ва уларнинг ваколатларини муддатидан илгари тугатиш Жамият кузатув кенгашининг қарорига кўра амалга оширилади.

9.2. Жамиятнинг Бошқаруви акциядорлар умумий йиғилишининг ва Жамият кузатув кенгашининг қарорлари бажарилишини ташкил этади.

Жамият Бошқарувининг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки жамият кузатув кенгашининг ваколат доирасига киритилган масалалар бундан мустасно.

9.3. Бошқарув раиси жамият номидан ишончномасиз иш юритади, шу жумладан унинг манфаатларини ифодалайди, жамият номидан битимлар тузади, штатларни тасдиқлайди, жамиятнинг барча ходимлари бажариши мажбурий бўлган буйруқлар чиқаради ва кўрсатмалар беради.

9.4. Бошқарув раисининг, жамият бошқаруви аъзоларининг ҳуқуқ ва мажбуриятлари уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади.

Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади.

Жамиятнинг Бошқарув раисига, бошқарув аъзоларига тўланадиган ҳақ миқдори, шунингдек ишончли бошқарувчининг хизматларига ҳақ тўлаш шартлари жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак.

9.5. Жамият кузатув кенгаши Бошқарув раиси, жамият бошқарувининг аъзолари билан тузилган шартномани, агар улар жамият уставини қўпол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, шунингдек улар томонидан бизнес режа кўрсаткичларини ва улар билан тузилган шартнома шартларини таъминламаган бўлса, муддатидан илгари тугатиш (бекор қилиш) ҳуқуқига эга.

9.6. Жамият бошқарувининг мажлисида баённома юритилади.

Жамиятнинг бошқаруви мажлисларини ўтказишни бошқарув раиси ташкил этади.

Бошқарув раиси жамият номидан барча ҳужжатларни ҳамда жамият бошқаруви мажлиси баённомаларини имзолайди, жамиятнинг бошқаруви ўз ваколат доирасида қабул қилган қарорларга мувофиқ жамият номидан ишончномасиз иш юритади.

## 10. ТАФТИШ КОМИССИЯСИ

10.1. Жамиятнинг молия-хўжалик фаолиятини назорат қилиш учун жамият уставига мувофиқ акциядорларнинг умумий йиғилиши томонидан бир йил муддатга уч кишидан иборат тафтиш комиссияси сайланади.

10.2. Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади.

Айни бир шахс Жамият тафтиш комиссияси таркибига кетма-кет уч мартадан ортиқ сайланиши мумкин эмас.

10.3. Жамият тафтиш комиссияси ваколоти доирасига қуйидагилар киради:

10.3.1. Жамият молия-хўжалик фаолиятини текшириш;

10.3.2. Жамиятнинг молия-хўжалик фаолиятини текшириш яқунларига кўра хулоса тузиш, бу хулосада:

- жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

10.3.3. Жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда жамият кузатув кенгашининг мажлисига олиб чиқиш;

10.3.4. Жамият молия-хўжалик фаолиятини текшириш яқунларига кўра хулосани Жамият акциядорларининг йиллик йиғилишида кўриб чиқиш учун тақдим этиш.

10.4. Жамиятнинг молия-хўжалик фаолияти яқунларини текшириш бир йиллик ёки бошқа давр ичидаги фаолият яқунлари бўйича қуйидагиларнинг ташаббусига кўра амалга оширилади:

- тафтиш комиссиясининг;

- акциядорлар умумий йиғилишининг;

- жамият кузатув кенгашининг;

- жамият овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан.

10.5. Жамият тафтиш комиссиясининг фаолият кўрсатиш тартиби акциядорларнинг умумий йиғилиши томонидан тасдиқланадиган низомда белгиланади.

10.6. Жамият тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек Жамиятда меҳнат шартномаси (контракт) бўйича ишлаши мумкин эмас.

## 11. ЯКУНЛОВЧИ ҚОИДАЛАР

11.1. Жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўн кундан кечиктирмай Жамиятнинг кузатув кенгаши томонидан дастлабки тарзда тасдиқланиши лозим.

11.2. Жамият Халқаро молиявий ҳисобот стандартларига мувофиқ тузилган йиллик молиявий ҳисоботни у Халқаро аудит стандартларига мувофиқ ташқи аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида икки ҳафта олдин эълон қилиши шарт.

11.3. Ушбу Уставга ўзгартишлар ва қўшимчалар киритиш ёки янги таҳрирдаги Уставни тасдиқлаш тўғрисидаги қарор акционерлар умумий йиғилиши томонидан тасдиқланади ва улар Жамият кузатув кенгашининг Раиси томонидан ёки кузатув кенгашининг ваколатли аъзоси томонидан имзоланади.

11.4. Агар Ўзбекистон Республикаси қонун ҳужжатларига киритилган ўзгартиришлар натижасида ушбу Уставнинг алоҳида қоидалари Ўзбекистон Республикасининг амалдаги қонун ҳужжатларига зид келадиган бўлса, ушбу қоидалар ушбу Уставга тегишли ўзгартиришлар киритилгунга қадар амал қилмайди, ўз кучини йўқотади.

Зухрирдинов мўшинхўжа эрканович  
Э.Э.

2016 йил апрел ойининг 18-куни мен, Тошкент шаҳар Юнусобод тумани биринчи сонли давлат нотариал идорасининг катта нотариуси Иногамова С.Ш., «Deutsche Konstruktion Group» акциядорлик жамиятининг низомида корхона раиси Зухритдинов Муминходжа Эркинович /Zuxritdinov Muminxodja Erkinovich/нинг менинг хузуримда куйган имзосининг хакикийлигини шаходатлайман.

Хужжатни имзоловчининг шахси аникланди, унинг муомалага лаёкатлилиги текширилди, яъни шахсий мулокот давомида унинг муомалага лаёкатлиликлари шубҳа тугдирмади, ушбу нотариал харакатни амалга ошириш даврида нотариал идорада унинг муомалага лаёкатсизликлари хақида ҳеч қандай маълумот йук.

Шунингдек, «Deutsche Konstruktion Group» акциядорлик жамиятининг ҳуқуқ лаёқати ва раиснинг ваколати - текширилди.

Расмий руйхат китобидан № 5-2576 билан қайд қилинди.

13024 сум (ун уч минг йигирма турт) микдорида давлат божи ундирилди.

6512 сум (олти минг беш юз ун икки) микдорда қўшимча юридик хизмат учун ҳақ ундирилди.

КАТТА НОТАРИУС



ИНОГАМОВА С.Ш



леҳтаю  
Нотариус  
14-листа(ов).